

## **Plenchi**

### **Bèl a bati**

**Un felis wikènt pa boso. TRINGG TRINGGG bèlèm..... TRINGG TRINGGG bèlèm.....Subi nos plenchi di ambiente paso nos ta ful dònra. Dònra ku holó i koló di pasku riba kada plenchi di nos skolnan. Esta un temporada dushi, pa huntu selebrá den famia. Korda riba esnan bandoná i lubidá. Ta un siman mas falta pa skol sera su porta 2018 i habri bèk den 2019. Asina 2018 ta serando ku tur su vuurwerknan di fin di aña. Trabou i retonan grandi pa finalisá promé ku aña kaba. Eksamen nan di skol, tutsnan, papeleo na granèl. Pero nos sa ku na final di otro siman nos ta kuminsá konta e dianan pa nos por relahá di e temporada drùk aki. Manera grandinan ta bisa : Ta gewon un otro dia, un otro aña no ta mundu ta bai kaba.**

**Disfrutá di nos Plenchi. Esaki ta e ultimo plenchi pa e aña kalendario aki. Nos ta bèk ku Plenchi den 2019 paso nos ta kontentu kada bes di nobo pa risibibo riba nos plenchi.**

**Un kabamentu di aña yen di pas i amor. Laga e nasementu di nos Rey iluminabu den e temporada aki i ku e iluminashon aki kompañabu henter 2019. Pa 2019 ban skucha mas, pensa mas i papia ku koutela. Basa bo opinion riba hechos i no riba rumor. Tuma tempu pa studia, analisá i profundisá pa bo forma bo opinion i asina krese komo hende. Ban pa mas sabiduria, menos reakshon riba otro pa loko, i pa inspirá i motiva ku sinseridat.**

**Nos fiel amigunan di Plenchi un felis temporada di fiesta.**

### **Riba roster**

#### **Kolegio Sta. Clara**

Awe nos ta bai subi plenchi di Kolegio Sta. Clara. Un skol den kurason di e barío Jandoret.

Djaluna, 21 di mei 2018, alumnonan di grupo 1 i 2 a bai represent nan skol Kolegio Sta. Clara na e aktividat “Mi koi kareda” di Extura. Nan aporté durante e aktividat a sòru ku Kolegio Santa Clara a gana dos premio, kual ta Miho ko’i kareda i tambe di 3 finalista den e kareda. E muchanan a gosa un bòl i a apoya nan amigunan ku hopi animo.



Djabièrnè 15 di sèptèmber for di 6 or di mainta, Kolegio Santa Clara su super tim a uni pa limpia den area di skol. Mayornan, alumnonan, habitantenan di Jandoret i maestronan huntu a kontruibí ku hasi mundu 5 % mas limpi. E obra aki tabata un éksito rotundo.



“Kultura ta hasi bida mas dushi!” I ta pa e motibu ey e aña aki Kolegio Santa Clara a skohe kuentanan di Kompa Nanzi pa trata durante e siman famoso aki. Henter siman alumnonan a tende kuentanan di Nanzi den klas i bin sa di e origen di e kuentanan. Durante di e siman aki alumnonan huntu ku mayor por a kontrubuí ku kosnan di boka dushi, kual muchanan por a disfrutá di nan den pouso. Pa sera e siman, kada klas a skohe i prepara un kuenta pa dramatisá.

Durante e siman di “Ban lesa”, Kolegio Santa Clara tambe tabata tin e privilegio di risibí bishita di eskritornan.



Nos ta un skol katoliko i e formashon spiritual ta importante pa nos muchanan. Aki algun potrèt di e diferente aktividat spiritual ku nos alumnonan ta ekperenshá. For di selebrashon di Kristu rei te pasku di Resurekshon. Tur selebrashon ta haña su atenshon.




E aña aki Sanikolas i su ayudantenan a bolbe pasa na Kolegio Santa Clara. Na e sonrisanan por a mira ku e alumnonan tabata sumamente kontentu ku nan presensia na nos skol. E selebrashon a tuma lugá djabièrnè 30 di

novèmber 2018. Parti mainta alumnonan a partisipá na un quiz i despues di pousa nan a ekperenshá un tremendo fiesta.



Djaweps 6 di desèmber último alumnonan di grupo 5 tabata di bishita na Dolphin Academy”



## Den agènda

Fakansi di skol:

21 di dèsember pa 4 di yanuari

## Un prenchi

*Bendishon pa  
bo den 2019.*

**Planta amor  
rònt di bo  
den 2019.**



## **Mucha djispou**

**Rachel ku Marlon ta sinta ta kome huntu na skol durante di pausa. Ku masha elegansia Rachel ta kue su trònch'i pan, habri'é pa e bai kome. Marlon ta saka man i tira e trònch'i pan abou na suela, e pan a kai plat abou.**

**Yorando Rachel ta bai serka su yufrou,**

**Rachel: "Yufrou Marlon a tira mi trònchi pan abou".**

**Yufrou: "Tabata ku intenshon?"**

**Rachel: "no yufrou, ku keshi".**